

第一輯（下冊）

內蒙古史志資料選編

ᠠᠨᠤᠮᠤᠭᠤᠯᠤᠰ ᠰᠢᠵᠢ ᠰᠠᠨᠠᠭᠤᠯᠤᠰ ᠰᠠᠨᠠᠭᠤᠯᠤᠰ

內蒙古地方志編纂委員會史志室編印

内蒙古史志资料选编

第一辑

下 册

目 录

清朝蒙古族后妃·····	(1)
清皇室下嫁蒙古的公主·····	(9)
清理藩院和驻防将军·····	(17)
内蒙古历代户口统计·····	(24)
清末绥远垦务·····	(33)

- 第 一 章 清末绥远垦务概况
- 第 二 章 清末大规模开垦蒙旗土地的原由
- 第 三 章 钦命督办蒙旗垦务大臣
- 第 四 章 西盟垦务总局
- 第 五 章 杭锦旗垦务简况
- 第 六 章 达拉特旗垦务简况

内蒙古史志资料选编

第一辑

下 册

目 录

清朝蒙古族后妃.....	(1)
清皇室下嫁蒙古的公主.....	(9)
清理藩院和驻防将军.....	(17)
内蒙古历代户口统计.....	(24)
清末绥远垦务.....	(33)

- 第 一 章 清末绥远垦务概况
- 第 二 章 清末大规模开垦蒙旗土地的原由
- 第 三 章 欽命督办蒙旗垦务大臣
- 第 四 章 西盟垦务总局
- 第 五 章 杭锦旗垦务简况
- 第 六 章 达拉特旗垦务简况

- 第七章 郡王旗垦务简况
第八章 王爱召垦务简况
第九章 准格尔旗垦务简况
第十章 札萨克旗垦务简况
第十一章 札萨克旗万寿地情况
第十二章 鄂托克旗垦务简况
第十三章 乌审旗垦务简况
第十四章 乌兰察布盟垦务
第十五章 四子王旗垦务简况
第十六章 达尔罕旗垦务简况
第十七章 茂明安旗垦务简况
第十八章 乌拉特中公旗垦务简况
第十九章 乌拉特东公（后）旗垦务简况
第二十章 乌拉特西公（前）旗垦务简况
第二十一章 杀虎口站地垦务总局
第二十二章 奏办清理土默特地亩总局
第二十三章 绥远城八旗牧厂垦务局
第二十四章 奏办西路垦务公司
第二十五章 清末河套水利

清朝蒙古族后妃

太宗孝端文皇后，博尔济吉特氏，科尔沁贝勒莽古思女。岁甲寅四月，来归，太祖命太宗亲迎，至辉发扈尔奇山城，大宴成礼。天聪间，后母科尔沁大妃屡来朝，上迎劳，锡賚有加礼。崇德元年，上建尊号，后亦正位中宫。二年，大妃复来朝，上迎宴。越二日，大妃设宴，上率后及贵妃、庄妃幸其行幄。寻命追封后父莽古思和硕福亲王，立碑于墓，封大妃为和硕福妃，使大学士范文程等册封。世祖即位，尊为皇太后。顺治六年四月乙巳，崩，年五十一。七年上谥。雍正、乾隆累加谥，曰孝端正敬仁慈哲顺慈懿庄敬辅天协圣文皇后。女三，下嫁额哲、奇塔特、巴雅思帖朗。

孝庄文皇后，博尔济吉特氏，科尔沁贝勒寨桑女，孝端皇后侄也。天命十年二月，来归。崇德元年，封永福宫庄妃。三年正月甲午，世祖生。世祖即位，尊为皇太后。顺治十一年，赠太后父寨桑和硕忠亲王，母贤妃。十三年二月，太后万寿，上制诗三十首以献。上承太后训，撰内则衍义，并为序以进。圣祖即位，尊为太皇太后。

康熙九年，上奉太后谒孝陵。十年，谒福陵、昭陵。十一年，幸赤城汤泉，经长安岭，上下马扶辇，至坝道，始上马以从。还，度岭，正大雨，仍下马，扶辇。太后命骑从，上不可，下岭，乃乘马傍辇行。吴三桂乱作，频年用兵，太后念从征将士劳苦，发宫中金帛加犒。闻各省有偏灾，辄发

帑賑恤。布尔尼叛，师北征，太后以慈宁宫庶妃有母年九十余，居察哈尔，告上誠师行毋擄掠。

国初故事，后妃，王、贝勒福晋，贝子，公夫人，皆令命妇更番入侍，至太后始命罢之。官中守祖宗制，不蓄汉女。上命儒臣譚大学衍义进太后，太后称善，赐赉有加。太后不预政，朝庭有黜陟，上多告而后行。尝勉上曰：“祖宗骑射开基，武备不可弛。用人行政，务敬以承天，虛公裁决。”又作书以戒曰：“古称为君难。苍生至众，天子以一身临其上，生养抚育，莫不引領，必深思得众得国之道，使四海咸登康阜，绵历数于无疆，惟休。汝尚宽裕慈仁，温良恭敬，慎乃威仪，謹尔出話，夙夜恪勤，以祗承祖考遺緒，俾予亦无疚于厥心。”十九年四月，上撰大德景福頌进太后。

二十年，上复奉太后幸湯泉。云南平，上詣太后宫奏捷。二十一年，上詣奉天謁陵，途次屡奏书闕安，使献方物，奏曰：“臣到盛京，亲网得鲑、鲫，浸以羊脂，山中野烧，自落榛实及山核桃，朝鮮所进柿饼、松、栗、銀杏，附使进上，伏乞俯賜一笑，不胜欣幸。”二十二年夏，奉太后出古北口避暑。秋，幸五台山，至龙泉关。上以长城岭峻絕，试輦不能陟，奏太后。次日，太后輦登岭，路数折不可上，太后乃还龙泉关，命上代礼諸寺。二十四年夏，上出塞避暑，次博洛和屯，聞太后不豫，即馳还京师，太后疾良已。

二十六年九月，太后疾复作，上昼夜在视。十二月，步祷天坛，請減算以益太后。讀祝，上泣，陪祀諸王大臣皆泣。太后疾大渐，命上曰：“太慈奉安久，不可为我輕动。况我心恋汝父子，当于孝陵近地安厝，我心始无憾。”己

已，崩，年七十五。上哀恻，欲于宫中持服二十七月，王大臣屡疏请遵遗诰，以日易月，始从之。命撤太后所居宫移建昌瑞山孝陵近地，号“暂安奉殿”。二十七年四月，奉太后梓宫詣昌瑞山。自是，岁必詣謁。雍正三年十二月，世宗即其地起陵，曰：“昭西陵。”

世祖亲政，上太后徽号，国有庆，必加上。至圣祖以云南平，奏捷，定徽号曰昭圣慈寿恭简安懿章庆敦惠温庄康和仁宣弘靖太皇太后，初奉安上谥。雍正、乾隆累加谥，曰孝庄仁宣诚宪恭懿至德纯徽翊天启圣文皇后。子一，世祖。女三，下嫁弼尔塔哈尔、色布腾、铿吉尔格。

敏惠恭和元妃，博尔济吉特氏，孝庄皇后姊也。天聪八年，来归。崇德元年，封关雎宫宸妃。妃有宠于太宗，生子，为大赦，子二岁而殇，未命名。六年九月，太宗方伐明，闻妃病而还，未至，妃已薨。上恻甚，一日忽迷惘，自午至酉始寤，乃悔曰：“天生朕为抚世安民，岂为一妇人哉？朕不能自持，天地祖宗持示譴也。”上仍悲悼不已。诸王大臣请出猎，遂猎蒲河。还过妃墓，复大恻。妃母和硕贤妃来吊，上命内大臣接舆临妃墓。郡王阿达礼，辅国公扎哈纳当妃丧作乐，皆坐夺爵。

懿靖大贵妃，博尔济吉特氏，阿霸垌郡王额齐格诺颜女。崇德元年，封麟趾宫贵妃。四年，额齐格诺颜及其妻福晋来朝，妃率诸王、贝勒迎宴。次日，上赐宴清宁宫，福晋入见，称上外姑。顺治九年，世祖加尊封。康熙十三年，薨，圣祖侍太后临奠。子一，博穆博果尔。女一，下嫁噶尔马索诺木。又抚蒙古女，嫁噶尔玛德参，济旺子也。

康惠淑妃，博尔济吉特氏，阿霸垓塔布囊博第塞楚帖尔女。崇德元年，封衍庆宫淑妃。抚蒙古女，上命睿亲王多尔袞娶焉。顺治九年，加尊封，前懿靖大贵妃薨。

世祖废后，博尔济吉特氏，科尔沁卓礼克图亲王吴克善女，孝庄文皇后侄也。后丽而慧，睿亲王多尔袞摄政，为世祖聘焉。顺治八年八月，册为皇后。上好简朴，后则嗜奢侈，又妒，积与上忤。

十年八月，上命大学士冯铨等上前代废后故事，铨等疏谏，上严拒，谕以“无能，故当废”，责诸臣沽名。即日奏皇太后，降后为静妃，改居侧宫，下礼部，礼部尚书胡世安、侍郎吕崇烈、高珩疏请慎重详审，礼部员外郎孔允樾及御史宗教一、潘朝选、陈棐、张春、杜果、彝玠、张嘉、李敬、刘秉政、陈自德、祖永杰、高尔位、白尚登、祖建明各具疏力争。允樾言尤切，略言：“皇后正位三年，未闻失德，特以‘无能’二字定废嫡之案，何以服皇后之心？何以服天下后世之心？后犹父母。父欲出母，即心知母过，犹涕泣以谏；况不知母过何事，安忍缄口而不为母请命？”上命诸王贝勒、大臣集议，议仍以皇后位中宫，而别立东西两宫。上不许，令再议，并责允樾复奏，允樾疏引罪，诸王大臣再议，请从上旨，于是后竟废。

孝惠章皇后，博尔济吉特氏，科尔沁贝勒绰尔济女。顺治十一年五月，聘为妃，六月，册为后。贵妃董鄂氏方幸，后又不当上旨。十五年正月，皇太后不豫，上责后礼节疏阙，命停应进中宫笺表，下诸王、贝勒、大臣议行。三月，以皇太后旨，如旧制封进。

圣祖即位，尊为皇太后，居慈仁宫。上奉太皇太后謁孝陵，幸盛京，謁福陵、昭陵，出古北口避暑，幸五台山，皆奉太后侍行。康熙二十二年，上奉太皇太后出塞，太后未侍行，中途射得鹿，断尾渍以盐，并亲选榛实，进太后。二十六年，太皇太后不豫，太后朝夕奉侍。及太皇太后崩，太后悲痛。諸妃主入临，太后恸甚，几仆地。上命諸王大臣奏請太后节哀回宫，再請乃允。岁除，諸王大臣請太后諭上回宫，上不可。二十七年正月，行虞祭，上命諸王大臣請太后勿往行礼，太后亦不可。二十八年，建宁寿新宫，奉太后居焉。

三十五年十月，上北巡，太后万寿，上奉书称祝。驻丽苏，太后遣送衣裳，上奉书言：“时方燠，河未冰，帐房不須置火，俟严寒，即欢怍而服之。”三十六年二月，上亲征噶尔丹，驻他喇布拉克。太后以上生日，使賜金銀茶壺，上奉书拜受。噶尔丹既定，群臣請上加太后徽号寿康显宁，太后以上不受尊号，亦堅諭不受。三十七年七月，奉太后幸盛京謁陵，道喀喇沁。途中以太后父母葬发庫山，距辟路二百里，諭内大臣索額图擇洁地，太后遥设祭。十月，次奇尔赛毕喇，值太后万寿，上詣行宫行礼，敕封太后所驻山曰寿山。

三十八年，上奉太后南巡。三十九年十月，太后六十万寿，上制万寿无疆赋，并奉佛象，珊瑚，自鸣钟，洋镜，东珠，金珀，御风石，念珠，皮裘，羽絨，哆罗泥，沈、檀、芸、降諸香，犀玉、玛瑙、瓷、漆器、宋、元、明名画，金鏤，币帛；又令膳房数米万粒，号“万国玉粒飯”，及香醪、果品以献。四十九年，太后七十万寿，亦如之。

五十六年十二月，太后不豫。是岁，上春秋六十有四，

方有疾，头眩足肿，聞太后疾甚，以帔纏足，乘軟輿詣視，跪床下，捧太后手曰：“母后，臣在此！”太后張目，畏明，障以手，視上，執上手，已不能語。上力疾，于蒼震門內支幄以居。丙戌，太后崩，年七十七。上号勅尽礼。五十七年三月，葬孝陵之东，曰孝东陵。初上太后徽号，国有庆，必加上。至云南平，定曰仁宪恪順誠惠 純淑 端 禧 皇太后。及崩，上諡，大学士等初议諡不褒世祖諡，上令至太庙奉先殿瞻礼高皇后、文皇后神位，大学士等引罪；又以所拟諡未多留徽号字，命更议。雍正，乾隆累加諡，曰孝惠仁宪端懿慈淑恭安純德順天翼圣章皇后。

淑惠妃，博尔济吉特氏，孝惠皇后妹也。順治十一年，册为妃。康熙十二年，尊封皇考淑惠妃。妃最老寿，以五十二年十月薨。

同时尊封者：浩齐特博尔济吉特氏为恭靖妃，阿霸核博尔济吉特氏为端順妃，皆无所出。

高宗孝贤纯皇后，富察氏，察哈尔总管李荣保女。高宗为皇子，雍正五年，世宗册为嫡福晋。乾隆二年，册为皇后。后恭俭，平居以通草绒花为饰，不御珠翠。岁时以鹿羔毳绒制为荷包进上，仿先世关外遗制，示不忘本也。上甚重之。十三年，从上东巡，还辟，三月乙未，后崩于德州舟次，年三十七。上深恸，兼程还京师，殡于长春宫，服縗素十二日。

初，皇贵妃高佳氏薨，上諡以惠贤，后在侧，曰：“吾他日期以‘孝贤’可乎？”至是，上遂用为諡。并制述悲赋，曰：“易何以首乾坤？诗何以首关雎？惟人伦之伊始，固天德之

与齐。念盛后之作配，二十二年而于斯。痛一旦之永诀，隔阴阳而莫知。昔皇考之命偶，用德于名门。俾逮予而尸落，定嘉礼于渭滨。在青宫而养德，即治壶而淑身。纵糟糠之未历，实同甘而共辛。乃其正位坤宁，克赞乾清。奉慈闈之温清，为九卿之仪型。克俭于家，爰始縗品而育茧；克勤于邦，亦知较雨而课晴。嗟予命之不辰兮，痛元嫡之速弃。致黯然以内伤兮，遂邈尔而长逝。抚诸子如一出兮，岂彼此之分视？值乖舛之叠遘兮，谁不增夫怨懟？况顾予之伤悼兮，更恍恍而切意。尚强欢以相慰兮，每禁情而制泪。制泪兮泪滴襟，强欢兮欢匪心。丰当春而启轡，随予驾以东临。抱輓疾兮念众劳，促归程兮变故遭。登画舫兮陈翟褕，由潞河兮还内朝。去内朝兮时未几，致邂逅兮忽无已。切自尤兮不可追，论生平兮定于此。影与形兮难去一，居忽忽兮如有失。对嬪嬙兮思劳型，顾和敬兮怜弱质。望湘浦兮何先祖，求北海兮乏神术。循丧仪兮情徒然，例展禽兮谥孝贤。思造微之莫尽兮，詎两字之能宣。包四德而首出兮，谓庶几其可传。惊时序之代谢兮，屈十旬而迅如。睹新昌而增劬兮，陈旧物而忆初。亦有时而暂弭兮，旋触绪而歔歔。信人生之如梦兮，了万事之皆虚。嗚呼，悲莫悲兮生别离，失内位兮孰予随？入椒房兮闕寂，披凤褥兮空垂。春凤秋月兮尽于此已，夏日冬夜兮知复何时？”

十七，年葬孝陵西胜水峪，后即于此起裕陵焉。嘉庆、道光累加谥，曰孝贤诚正敦穆仁惠徽恭康頤辅天昌圣纯皇后。子二：永琏，永琮。女二：一殇，一下嫁色布腾巴尔珠尔。

孝静成皇后。博尔济吉特氏，刑部员外郎花良阿女。后

事宜宗为静贵人。累进静皇贵妃。孝全皇后崩，文宗方十岁，妃抚育有恩。文宗即位，尊为皇考康慈皇贵太妃，居寿康宫。咸丰五年七月，太妃病篤，尊为康慈皇太后。越九日庚午，崩，年四十四。上谥，曰孝静康慈弼天抚圣皇后，不系宜宗谥，不附庙。葬墓陵东，曰墓东陵。穆宗即位，附庙，加谥。光緒、宣统累加谥，曰孝静康慈懿昭端惠庄仁和慎弼天抚圣成皇后。子三：奕纲、亦继、亦沂。女一，下嫁景寿。

（摘自《清史稿卷二百十四列传一 后妃》）

清皇室下嫁蒙古的公主

莽古济，清太祖努尔哈赤第三女，太祖继妃富察氏生，天聪三年（一六二九年）下嫁瑛木诺杜棱。公主生年无考。天聪九年九月，以骄暴削格格号。十二月，以家奴讐告与母兄莽古尔泰等謀逆，诛死。其夫瑛木诺杜棱，博尔济吉特氏，蒙古敖汉部长。尙主，赐号济农。公主罪誅，削号。順治元年卒。五年，追封郡王。莽古济以罪誅，玉牒不列。

太宗皇太极第一女，无名。封固伦公主。继妃乌喇纳喇氏生。天聪七年（一六三三年）正月下嫁班第。公主天命六年（一六一二年）三月生，順治十一年（一六五四年）正月薨。年三十四。額駙班第，博尔济吉特氏，敖汉部台吉，太祖嫡瑛木诺杜棱弟之子也。崇德元年，进敖汉郡王。順治十三年卒。

马喀塔，太宗皇太极第二女。孝端文皇后生。初封固伦公主。順治十三年，进固伦长公主。十六年封永宁长公主。复改温庄长公主。天聪十年正月，下嫁額哲。公主生于天命十年八月，康熙二年三月薨，年三十九。額駙額哲，博尔济吉特氏，察哈尔林丹汗子，号额尔孔果洛。尙主，封察哈尔亲王。六年，卒。（額哲弟阿布鼐亦尙主，生子布尔尼。主薨后，布尔尼以叛誅，阿布鼐亦坐死。诏仍收葬主坟园。玉牒不列。）

太宗第三女，无名。孝端文皇后生。初封固伦公主。

順治十四年，進固倫長公主。十六年，封延慶長公主。復改靖端長公主。崇德四年正月，下嫁奇塔特。天聰二年七月生，康熙二十五年五月薨，年五十九。奇塔特，博爾濟吉特氏，孝庄文皇后兄子。崇德八年，賜固倫額駙儀仗。順治六年，封科爾沁郡王。八年，卒。

雅圖，太宗第四女。孝庄文皇后生。初封固倫公主。順治十四年，進固倫長公主。十六年，封興平長公主。復改雍穆長公主。崇德六年正月，下嫁弼爾塔哈尔。天聰三年正月生，康熙十七年閏三月薨，年五十。弼爾塔哈尔，博爾濟吉特氏，亦孝庄文皇后兄子。主既受聘，以弼爾塔哈尔父卓祿克圖親王吳克善有罪，太宗怒，欲絕其婚。吳克善入朝服罪，仍許弼爾塔哈尔尚主。崇德八年，賜固倫額駙儀仗。康熙五年，襲封親王。六年，卒。

阿圖，太宗第五女。孝庄文皇后生。順治十四年，封固倫長公主。十六年，封和碩長公主。復改淑慧長公主。順治五年二月，下嫁色布騰。天聰六年二月生，康熙三十九年正月薨，年六十九。色布騰，博爾濟吉特氏，初封輔國公。順治七年，進封巴林郡王。康熙十七年，卒。阿圖公主為孝庄文皇后所愛，康熙十二年，孝庄文皇后有疾，聖祖使迎至京師。后屢入朝，三十一年，詔設護衛長史，視貝勒例。

太宗第七女，無名。孝庄文皇后生。初號淑哲公主。嗣封固倫公主。諡端獻。下嫁鑲吉爾格。天聰七年十一月生，順治五年二月薨，年十六。鑲吉爾格，博爾濟吉特氏，內大臣、二等梅勒章京鄂齊爾桑子。實錄言崇德六年二月，以主許字鄂齊爾桑子鑲吉爾格。順治二年正月，下嫁鄂齊爾桑子喇

寤思。鄂齐尔桑传言子喇嘛喇尚主，授固伦额駙。玉璫但书寤吉尔格。当是铿吉尔格改名喇嘛思，譯又作喇嘛喇耳。

太宗第八女，无名。孝端文皇后生。初封固伦公主。順治十四年，封固伦长公主。十六年，封昌乐长公主。复改永安长公主。諡端贞。順治二年四月，下嫁巴雅斯护朗。天聪八年閏八月生，康熙三十一年正月薨，年五十九。巴雅斯护朗，博尔济吉特氏，土谢图亲王巴达礼子。康熙十一年袭爵。是年卒。

太宗第九女，无名。侧妃扎噜特博尔济吉特氏生。順治五年九月，下嫁哈岱。天聪九年九月生，順治九年三月薨，年十八。哈岱，博尔济吉特氏，尚主。順治八年，卒。

太宗第十一女，无名。继靖大贵妃阿霸垓博尔济吉特氏生。固伦公主。順治间，进固伦长公主。諡端順。順治四年十二月，下嫁喀尔玛索诺木。崇德元年三月生，順治七年七月薨，年十五。喀尔玛索诺木，博尔济吉特氏，阿霸垓部人。尚主，授一等精奇尼哈番。主薨后，以礼亲王代善女妻焉。加少保兼太子太保。康熙三年，卒。

太宗第十二女，无名。母氏闕。乡君品级。順治八年八月下嫁班第。崇德二年三月生，康熙十七年十月薨，年四十二。班第，博尔济吉特氏，官头等侍卫。康熙十年，授理藩院侍郎。三十年，迁理藩院尚书。三十九年，卒。

太宗抚从兄克勒郡王岳托第一女，无名。和硕公主。天聪二年正月，下嫁曼珠习礼。岁乙卯二月生，崇德二年七月薨，年二十三。曼珠习礼，博尔济吉特氏，科尔沁台吉。尚主，赐号达尔汉巴图鲁。崇德元年，封郡王。順治十六年，

进封和硕达尔汉亲王。康熙四年，卒。

太皇抚从兄贝勒图伦女。和硕公主。天命十一年五月，下嫁奥巴。岁壬子七月生，顺治五月薨；年三十七。奥巴，博尔济吉特氏。科尔沁台吉。尙主，赐土谢图汗号。天聪六年，卒。主为太祖从孙女，天命间抚育宫中。玉璽系于太宗，行辈相当，今特从之。奥巴长子巴达礼亦尙主。巴达礼初授台吉。赐号土谢图济农，进亲王。康熙十年卒。玉璽不列。太宗尙有女下嫁索尔哈。索尔哈，博尔济吉特氏，额駙，三等总兵官恩格德尔子。其兄额尔克戴青授三等甲喇章京，以索尔哈袭。顺治初卒。玉璽亦不列，不知所自出。附载于此。

世祖抚从兄简亲王济度第二女，无名。初封和硕端敏公主。雍正元年，进封固伦端敏公主。康熙九年九月，下嫁班第。顺治十年六月生，雍正七年五月薨。年七十七。班第，博尔济吉特氏，曼珠习礼孙。尙主，袭科尔沁达尔汉亲王。康熙四十九年，卒。

圣祖第三女，无名。荣妃马佳氏生。初封和硕荣宪公主。四十八年，进封固伦荣宪公主。康熙三十年六月，下嫁乌尔滚。康熙十二年五月生，雍正六年四月薨，年五十六。乌尔滚，博尔济吉特氏，色布腾孙。尙主。康熙四十三年，袭巴林郡王。五十八年，命从征西陲。六十年，卒于军。乌尔滚，父鄂齐尔，淑慧长公主所出也。主下嫁之明年，命设护卫长史，视贝勒例。

圣祖第五女，无名。贵人兆佳氏生。和硕端静公主。康熙三十一年十月，下嫁噶尔臧。康熙十三年五月生，四十九年

三月薨，年三十七。噶尔臧，乌梁罕氏。尚主，袭喀喇沁杜陵郡王。康熙五十年，坐事夺爵。六十一年卒。主下嫁之明年，命设护卫长史，亲贝勒例。

圣祖第六女，无名。贵人郭洛罗氏生。初封和硕公主。康熙四十五年，封和硕恪靖公主。雍正元年，进固伦恪靖公主。康熙三十六年十一月，下嫁敦多布多尔济。康熙十八年五月生，雍正十三年三月薨，年五十七。敦多布多尔济，博尔济吉特氏，袭喀尔喀郡王。尚主，进亲王。四十一年，坐事降郡王。雍正元年，以军功复进亲王。八年卒。

圣祖第十三女，无名。敬敏皇贵妃章佳氏生。和硕温恪公主。康熙四十五年七月，下嫁仓津。康熙二十六年十一月生，四十八年六月薨，年二十三。仓津，初名班第，博尔济吉特氏，袭翁牛特杜陵郡王。尚主。雍正五年，坐事夺爵。

圣祖第十五女，无名。敬敏皇贵妃章佳氏生。和硕敦恪公主。康熙四十七年十二月，下嫁多尔济。康熙三十年正月生，四十八年十二月薨，年十九。多尔济，博尔济吉特氏，科尔沁台吉。尚主，授额駙。康熙五十八年，坐事削额駙，仍予台吉品级。五十九年，卒。

圣祖抚弟恭亲王常宁第一女，无名。初封和硕纯禧公主。雍正元年，进封固伦纯禧公主。康熙二十九年三月，下嫁班第。康熙十年十一月生，乾隆六年十二月薨，年七十一。班第，博尔济吉特氏，科尔沁台吉。尚主。累官内大臣、都统、前锋统领。雍正四年，卒。乾隆十八年，追谥恭勤。主下嫁后二年，命设护卫长史，视贝勒例。班第卒后，居京